



UNIVERSITÄTS-
BIBLIOTHEK
PADERBORN

Vniversalis Historiæ Ecclesiasticæ Medvlla

Pareus, Daniel

Francofurti, 1633

Theologi Præcipvi Romanæ Papisticæ synagogæ.

[urn:nbn:de:hbz:466:1-64973](https://nbn-resolving.org/urn:nbn:de:hbz:466:1-64973)

Stephano Szegedino, Paulo Thurio, Caspare Caroli, Petro Melio, Valentino Hellopeo, Matthæo Scaricæo, Thomæ Fabricio Tholneasi, & pluribus aliis.

Ac ne plures in medium producam, Polonice certe Ecclesiæ non sine grata commemoratione hodieq; commemorant, tum Generosum illum virum Ioannē à Laskavv, Comites à Gorkavv, & Dominos Osolinios, qui doctrinæ Evangelicæ vel ornamento, vel præsidio fuerunt: tum egregios Theologos, Erasmus Gliznerū, Georgium Israel, Ioannem Laurentium, Balthasarem Buchnerum, Ioannem Turnouium, alios, qui doctrinam Evangelicam fructuose populo tradiderunt.

THEOLOGI PRÆCIPVI ROMANÆ Papisticæ synagogæ.

IAm inde à tempore Reformationis Ecclesiarum, rem regnumq; Pontificum, summo conatu, acerrimo desiderio, nō vulgari aut mediocri doctrina defenderunt, Iohannes Eckius, Ioannes Rossensis Episcopus, alias Fischerus, Thomas Caietanus, Thomas Morus, Iohannes Faber, Iohannes Cochlæus, Ambrosius Catharinus, Albertus Pighius, qui omnes scripserunt aduersus Lutherum. Ii vero potissimum munus suum ornarūt, & reliquos fere omnes longo post se interuallo reliquerunt, qui in hac causa studiosissime iam annos aliquot versati sunt, recentes Monachi, subtiles Theologi, disputatores vehementes, ac pertimescendi, quos noua ac præteritis seculis inaudita societas Iesu, ad Ecclesiæ

clesiae Religionisq; Christianae calamitatem e-
 didit. Cum n. post illam atram, mortiferam, fune-
 stam papisticam superstitionis, & Antichristianis-
 mi diurnam noctem, lux Evangelii clarissima
 atq; iucundissima, nonnullas orbis Christiani-
 partes radiis suis illustrasset, atq; ad intuendam,
 admirandam, retinendam hoies conuertisset, ac
 incredibili delectatione permouisset, repete ex-
 orti sunt ii, qui hac sibi ingratam, suisq; rebus ini-
 micam atq; inutilem lucem fumis pestiferis ob-
 scurarēt, eiusq; nobis, si possent, aspectum eripe-
 rent. Reliqui Monachi, ex instituto & more tē-
 porum superiorū, otiosi fere atq; inertes, nec tē-
 pus in lectione & studio optimarū scientiarum,
 sed in horis quibusdā, quae nihil aut eruditionis,
 aut religionis habent, ad clepsydram repetēdis,
 consumebant: Iesuitae vero longe aliud consiliū
 sequuti, ex illa umbra pigritiae, inertiae q; pristi-
 nae, in qua caeteri monachi consenescere solebāt
 ad labores capeffendos, artes tractandas, pro cō-
 muni statu subeundā perferendamq; cōtentio-
 nem, prodierunt. Intellectum n. est, nec omnino
 amplius stare rem Romanā posse, q̄ passim a vi-
 ris maximo ingenio ac doctrina praeditis peri-
 culosissime concussa, labare in multis partibus,
 atq; inclinari cepisset, nisi a doctis, iisdemq; na-
 uis industriisq; hominibus defensa atq; sustēta-
 ta. Nā vt domus ruinosa, nisi adminiculis firmis
 atq; recentibus indies fere fulta fuerit, repente
 tota corruiat, & cōquassatur: sic Rom. Synag. nu-
 tanti, ruināq; minitāti, & misere labefactate, atq;
 dissolutae, nouis quotidie opus esse sustēta-
 culis.

ac compagibus animaduertent, sine quibus nullam posset aut dignitatem, aut statum, tam vehementer oppugnata atq; impulsam, retinere. In quo tamen nunquam poterunt sic imminentem sibi calamitatem depellere, seq; ab interitu liberare, quin, quemadmodum ædes conuulso fundamento, parietibus perfossis, disiectis, lacunaribus, nulla parte incolumes, quantumuis multas fulcrorum machinas adhibeas, stare tamen diu nequeunt: sic illa ruinarum plena Ecclesia, in qua non tectum, non columnæ, non fundamentum saluum remanet, nulla integritas, nulla firmitas inest, præceps tandem cum pernicie multorum collisa concidat.

Hos inter Iesuitas magnum & celebre nomen obtinuerunt: Petrus Canisius, Gregor. de Valentia, Robertus Bellarminus, Pontificius in Collegio Romano, Thomas Stapletonus, Regius in Schola Duacena controuersiarum Professor, Iacobus Gordonus Huntlæus, Scotus; Iacobus Gretserus, Martinus Becanus, Nicol. Serarius, Iohannes Maldonatus, Franciscus Suarez, Adamus Contzen, Maximilianus Sandæus, alique infiniti.

F I N I S.

INDEX